

外科理例

上海千頃堂印行



外科理例卷之六

新安祁門朴里汪機

省之編輯

同邑石野門生陳桐

惟宜較正

脫疽百十九

丁生手足指或足潰而自脫故名脫疽有發于手指者名蛙節丁重者腐去本節輕者筋攣

焮痛者除濕攻毒更隔蒜灸至不痛

焮痛或不痛者隔蒜灸更用解毒藥若色黑急割去速服補劑庶可救黑延上

者不治

色赤焮痛者托裡消毒更兼灸

作渴者滋陰降火色黑者不治

一人足指患此焮痛色赤發熱隔蒜灸之更以人參敗毒散去桔梗加金銀花

白芷大黃二劑痛止又十宣散去桔梗官桂加天花粉金銀花數劑而平此

憑症也

一人年逾四十左足大指赤腫焮痛此脾經積毒下注而然名曰脫疽喜色赤而腫以人參敗毒散去人參桔梗加金銀花白芷大黃二劑更以瓜蒌金銀



花甘草節四劑頓退再以十宣散去桔梗金銀花防已數劑而愈

一人患此色紫赤不痛隔蒜灸五十餘壯尚不痛又明灸百壯方知乃以敗毒散加金銀花白芷數劑而愈

一膏梁年逾五十亦患此色紫黑脚焮痛孫真人曰脫疽之症急斬之去毒延腹必不治色黑不痛者亦不治喜其飲食如故動息自寧為瘡善症遂以連翹敗毒散六劑更以金銀花瓜蔓甘草節二十餘劑患指潰脫更以芎歸生芩連翹金銀花白芷二十餘劑而愈

次年忽發渴服生津等藥愈盛用八味丸而止

大抵此症皆由膏梁厚味或房勞太過丹石補藥所致其發于指微赤而痛可治治之不愈急斬去之庶可保否則不治色紫黑或發于脚背亦不治或先渴而後發或先發而後渴色紫赤不痛此精氣已竭決不可治

一翦莖左足指患一泡麻木色赤次日指黑五日連足黑冷不知疼痛脉沉細此脾胃受毒所致進飛龍奪命丹一服翌日令割去足上死黑肉割後骨始

痛可救治以十全大補湯而愈

此因症肉黑知為毒盛不在于脉也

蓋死肉乃毒氣盛拒截榮氣所致况至陰之下血氣難達經曰風淫末疾也倘若攻伐之則邪氣乘虛上侵必不救矣

一人足指患之大痛色赤而腫隔蒜灸之痛止以人參敗毒散去桔梗加金銀

花白芷大黃而潰更以仙方活命飲而痊

此憑症也

此症形勢雖小其惡甚大須隔蒜灸之不痛者宜明灸之庶得少殺其毒此

症因膏粱厚味酒麵炙燂積毒所致或不慎房勞腎水枯竭或服丹石補藥故有先渴而後患者有先患而後渴者皆腎水涸不能制火故也初發而色黑者不治赤者水未涸尚可若失解其毒以致肉死色黑者急斬去之緩則黑延上足必死而患不問腫潰惟隔蒜灸有效亦有色赤作痛而自潰者元氣未脫易治夫至陰之下血氣難到毒易腐肉藥力又不易到况所用皆攻毒之藥未免先干腸胃又不能攻敵其毒不若隔蒜灸并割去最為良法孫真人云在指則截其肉則割去即此意也

一人足指患之色黑不痛令明灸三十餘壯而痛喜飲食如常予謂急割去之

速服補劑彼不信果延上遂致不救

一人脚背患之色黯而不腫痛煩躁大渴尺脉大而濇此精氣已絕不治後又
又有手指患此色黑不痛其指已死予欲斬去速服補藥恐黑上臂不治彼不
信另服敗毒藥手竟黑遂不救

一人足指患之色紫不痛隔蒜灸五十餘壯尚不知痛又明灸百壯始痛更投
仙方活命飲四劑乃以托裡藥潰脫而愈此憑症也

一人脚背患此赤腫作痛隔蒜灸三十餘壯痛止以仙方活命飲四劑而潰更
以托裡消毒藥而愈此憑症也

一人足指患之色赤焮痛作渴隔蒜灸數壯以仙方活命飲三劑而潰更服托
裡藥及加減八味丸潰脫而愈

一婦修傷次指成膿不潰焮痛至手悞敷冷藥以致通潰飲食少思彼為毒氣
內攻胗脉沉細此痛傷胃氣而然遂刺之服六君子加藿香當歸食進更以
八珍湯加黃耆白芷桔梗月餘而愈此憑脉也

一人傷拇指色紫不痛服托裡藥及灸五十餘壯作痛潰膿而愈此憑症也

一幼女因凍傷兩足至春發潰指俱壞令取之服大補藥而愈

此憑症也

一女患嵌甲傷指逾年不愈日出膿數滴予謂足大指乃脾經發源之所宜灸患處使瘀肉去臥氣至瘡口自合否則不治彼惑之不早治後變勞瘵而死蓋至陰之下血氣難到女人患此多因扎縛致血脉不通或被風邪所襲則無血氣榮養遂成死肉惟當壯脾胃行經絡生血氣則愈有成破傷風以致牙關緊急口眼喎斜者先玉真散

百二

一二服然後投以生血通經則可

面瘡百二十

附頤毒

一人年逾三十夏月熱病後患頤毒積月不潰氣息奄奄飲食少思大便不禁脰脉如無經曰脉息如無似有細而微者臥氣衰也齊氏曰飲食不入大便滑利腸胃虛也以六君子加炮姜肉豆蔻破故紙數劑泄稍止食稍進更加黃柏當歸肉桂潰而膿水清稀前藥每服加熟附一錢數劑泄止食進膿漸稠再以十全大補湯加酒炒芍藥白斂月餘而愈

此憑脉症也

一人年踰四十胃氣素弱面常生瘡盜汗發熱用黃耆建中湯少愈更用補中

益氣湯而平

此憑症也

東垣云氣虛則腠理不密邪氣從之逆于肉理故多生瘡若以甘溫之劑實其根本則腠理自固即無他疾

一人年三十面患瘡潰已作渴自服托裡及降火藥不應脉浮而弱丹溪曰潰瘍作渴屬氣血俱虛遂以參耆各二錢歸芩木各二錢數服渴止又以八珍湯加黃耆數劑脉斂而愈

此憑脉症也

一人年四十頭面生瘡數枚焮痛飲冷積月不潰服清熱消毒不應脉數按之

即實用防風通聖散

十四

二劑頓愈又以荆防敗毒散

七

而愈

此憑脉症也

一人年逾六十素食厚味頰顙患毒未潰而肉先死脉數無力此胃經積毒所致然頰顙正屬胃經未潰肉死則胃氣虛極老人豈宜患此果歿經曰膏粱之變足生大丁受如持虛此之謂也

口齒百二十

一人齒痛脉數實便秘用防風通聖散即愈

此憑脉症也

一人齒痛甚胃脉數實以承氣一劑即止

此憑脉症也

一老齒痛午後則發至晚尤甚胃脉數而實以涼隔散加荆芥防風石膏一劑

而瘳此憑脉也

一人齒痛胃脉數而有力以清胃散加石膏荊芥防風二劑而痊此憑脉也

一人齒痛脉浮無力以補中益氣湯加黃連生地黃石膏治之不復作此憑脉也

一人齒痛脉數無力用補中益氣湯加生芩牡丹皮而愈

一人齒腫痛焮至頰頤素善飲治以清胃散數劑而愈

一人齒痛服清胃散不應服涼隔散愈盛予用補腎九四而愈

為腎虛也

一人頰頤腫焮至牙齦右關脉數此胃經風熱上攻也治以犀角升麻湯而消

此憑脉也

一婦常口舌糜爛頰赤唇乾眼澁作渴脉數按之則瀉此心肺壅熱于氣血為

患名熱勞症也當多服滋陰養血藥彼欲速効用敗毒寒劑攻之後變瘵而

歿

良方云婦人熱勞者由心肺壅熱傷於氣血氣血不調臟腑壅滯熱毒內積不得宣通之所致也其候心神煩躁頰赤頭痛眼澁唇乾四肢壯熱煩渴不

止口舌生瘡神思沉昏嗜卧少寐飲食無味舉體痠疼或時心怔或時盜汗
肌膚日漸消瘦故名熱勞也

口舌瘡百二十二

一人胃弱痰盛口舌生瘡服滾痰丸愈盛吐瀉不止惡食倦怠此胃被傷也予
以香砂六君子湯 數劑少可再以補中益氣加茯苓半夏二十餘劑而愈
夫胃氣不足飲食不化亦能為痰補中益氣乃治痰之法也苟虛症而用峻
利之藥鮮有不殆

一人年踰四十貌豐氣弱遇風則眩勞則口舌生瘡胸常有痰日常赤澀服八
味丸而愈

此憑症也

一人脾胃虛初服養胃湯枳朮丸有效久服反虛口舌生瘡勞則愈盛服敗毒
藥則嘔吐此中氣虛寒也治以理中湯少愈更以補中益氣加半夏茯苓月
餘而平

夫養胃湯香燥藥也若飲食停滯或寒滯中州服則燥開脾胃宿滯消化少
為近理枳朮丸消導藥也雖有白朮終是燥劑故久服此二藥津液愈燥胃

氣愈虛况胃氣本虛而用之豈不反甚其病哉 亦有房勞過度真元虛憊
或元稟不足不能上蒸中州不運致食不進者以補真丸^{三四}治之使丹田之
火上蒸脾土則脾土溫和中焦自治飲食自進經曰飲食不進胸膈痞塞或
食不消大府滯泄此皆真火不能上蒸脾土而然也若腎氣壯則丹田之火
上蒸脾土則無此病矣 一方 小兒口瘡江茶粉草為末付之
用黃丹

又方 苦參 黃丹 五倍子 青黛等分研為末敷

又方 青黛 芒硝 為末付

胎毒口瘡 五倍子 黃丹 江茶 芒硝 甘草等分為末付

又方口黃柏細

辛青鹽等分為之三日即愈

咽喉百二十三

疼痛或寒熱者邪在表也宜發散

腫痛痰涎壅盛者邪在上也宜降之

痛而脉數無力者屬陰虛宜滋陰降火



腫痛發熱便秘者表裡俱實也宜解表攻裡如症緊急便刺患處或刺少商穴

一人咽痛脉數以荊防敗毒散加黃連二劑少愈乃去芩連又六劑而愈

此憑症脉也

也

一人乳蛾腫痛脉浮數尚未成膿針去惡血飲荊防敗毒散二劑而消

此憑症也

一人咽喉作痛痰涎上壅予欲治以荊防敗毒散加連翹山梔玄參牛蒡子彼

自服甘寒降火之藥反加發熱咽愈腫痛急刺少商二穴仍以前藥加麻黃

汗之諸症並退惟咽間一紫泡仍痛比欲作膿以前藥去麻黃一劑膿潰而

愈

此憑症也

凡咽痛之疾治之早或勢輕者宜荊防敗毒散以散之治之遲或勢重者須

刺少商穴瘀血已結必刺患處亦有刺少商咽雖利而未痊消者必成膿也

然膿去則安若有大便秘結者雖經針刺去血必以防風通聖散攻之然

甘寒之劑非虛火不宜用

一婦咽喉腫痛大小便秘以防風通聖散六劑諸症悉退又荊防敗毒散

三劑而安

此憑症也

治此輕則荆防散吹喉散 重則用金鑰匙及刺患處出血最效否則不救
不救針少商二穴亦可但不若刺患處之神速耳

一人咽喉腫痛脉數而實以涼膈散一劑而痛止再以荆防敗毒散加牛蒡子

二劑而腫退以荆防敗毒散二劑又以甘桔荆防玄參牛蒡子四劑而平

一人噤癰腫痛脉浮數更沉實飲防風通聖散六 一劑瀉一次勢頓退又荆防

敗毒散二劑而消

此憑症脉也

一人咽喉腫秘牙關緊急針不能入先刺少商二穴出黑血口即開更針患處

飲清咽利膈散一劑而愈

此憑症也

大抵吐痰針刺皆有發散之意故多効不用針刺多致不救

一人咽喉腫閉痰涎壅甚以膽礬吹咽中吐痰碗許更以清咽利膈湯四劑而

安

此憑症也

一人咽喉腫痛藥不能下針患處出紫血少愈以破棺丹噙之更以清咽消毒

散而愈

此憑症也

一人咽喉乾燥而痛以四物湯 加黃柏知母玄參四劑少愈再用人參固本

丸 一劑不復發

一人口舌生瘡服涼藥愈甚治以理中湯七而愈此因治誤而變

一人咽痛午後益甚脉數無力以四物湯九加黃柏知母荆防四劑而愈仍以前藥去荆防加玄參甘桔數劑後不再發

一人口舌糜爛服涼藥愈甚脉數無力以四物加酒炒黃柏知母玄參一劑頓

退四劑而痊此憑脉症也

一人口舌生瘡脉浮而緩用補中益氣湯六十加炮乾姜更以桂末含之即愈

一人口舌生瘡飲食不甘勞而愈甚以理中湯頓愈此憑症也

一人患之勞而愈甚以前藥加附子三片二劑即愈

丹溪曰口瘡服涼藥不愈者此中氣不足虛火從上無制用理中湯甚則加附子

一弱人咽痛服涼藥或遇勞愈甚以補中益氣湯六十加芩連四劑而愈乃去芩

連又數劑不再發此憑症也

常治午後痛去芩連加黃柏知母玄參亦効

一老咽痛日晡甚以補中益氣湯六加酒炒黃柏知母數劑而愈此憑症也

一人乳蛾腫痛飲食不入瘡色白其膿已成針之膿出即安此憑症也

一人咽喉腫痛予欲針之以泄其毒彼畏針止服藥然藥既熟已不能下矣始急針患處出毒血更以清咽消毒藥而愈

一患者其氣已絕心頭尚溫急針患處出黑血即甦如鮑貴卿喬侍郎素有此症每患針去血即愈

大抵咽喉之症皆因火為患其害甚速須分緩急及膿成否若腫閉及壅塞者死如反掌宜用金鑰匙吹患處吐出痰涎氣得流通則蘇若吐後仍閉乃是惡血或膿毒須急針患處否則不治前人云喉閉之火與救火同不容少怠治喉之方固多惟用針有回生之功學者不可不察

一婦咽間作痛兩月後始潰突而不斂遍身筋骨作痛諸藥不應先以草薢湯數劑而斂更以四物湯九倍用草薢黃耆二十餘劑諸症悉退此憑症也

一彌月小兒先于口內患之後延于身年餘不愈以草薢為末乳汁調服毋以白湯調服月餘而愈此憑症也

一人咽喉先患及于身服輕粉之劑稍愈已而復發仍服之亦稍愈後大發上

腭潰蝕與鼻相連臂腿數枚其狀如桃大潰年餘不斂神思倦怠飲食少思

虛症悉具投以萆薢湯為主以健脾胃之劑兼服之月餘而安

此憑症也

一婦患之臉鼻俱蝕筋骨作痛脚面與膝各腫一塊三月而潰膿水淋漓年載

不斂治以前藥亦愈

此憑症也

一人咽喉腫痛口舌生瘡先以清咽消毒散

六

二服更以玄參升麻湯而愈

也症

一人咽喉作痛午後尤甚以四物加酒炒知母黃柏桔梗治之而愈

此憑症也

一人喉閉服防風通聖散腫不能嚥此症雖針乃可牙關已閉刺少商出血口

即開以膽礬吹患處吐痰二碗許仍投前藥而愈 嘗見此疾畏針不刺多

斃

此憑症也

一人喉閉腫痛寒熱脉洪數此少陰心火少陽相火二藏為病其症最惡惟刺

患處出血為上彼畏針以涼膈散

六

服之藥從鼻出急乃願針則牙關已緊

遂刺少商二穴以手勒出黑血口即開仍刺喉間治以前藥及金鑰匙

六

吹

之頻愈又以人參敗毒散^六加苓連玄參牛蒡子四劑而平

經曰火鬱發之出血亦發汗之一端河間曰治喉閉之火與救火同不容火
急嘗見喉閉不去血喉風不去痰以致不救者多矣每治喉咽腫痛或生瘡
毒以荊防敗毒加苓連重者用防風通聖散並效

一人患此勞則愈盛以補中益氣湯加玄參酒炒黃柏知母而愈^此
一人人口舌常破如無皮狀或咽喉作痛服清咽利膈散愈盛治以理中湯而愈^此
^{此因治不應而更方也}

精要曰凡癰疽失於治療致令熱毒衝心咽嚨口舌生瘡甚至生紅黑菌難
于治療宜琥珀犀角膏

生犀角屑真琥珀^研 辰砂^研 茯神^{去皮}

酸棗仁^{去殼} 人參^研 各一錢腦子^研 右為細末入乳鉢研勻煉蜜搜為膏

磁器盛貯疾作每服一彈子大濃煎麥門冬湯化下一日連進五服或先服
犀角散以解之 生犀角屑玄參^{去蘆} 升麻生黃耆赤芍藥 麥門冬生甘

草當歸^{各一} 大黃^{微炒} 為粗末每服三錢水盞半煎至七分去滓溫服

諸哽百二十四

諸骨哽用象牙末吹患處或取犬涎徐徐嚥下立効用芋根搗爛丸如彈子大就將所哽物煎湯化下 又方食橄欖用核為末含之亦効

穀麥芒在咽不出取鷄鶩涎含之立消

誤吞金銀等物多食諸般肥肉膏滑自從大便秘出

誤吞銅錢用炭末白湯調服 多食蜜食飴糖自從大便秘出或多食葶藶或

胡桃肉錢自消

誤吞針用磁石如棗核大磨令光鑽一孔用線穿含之針自口出

傷損脉法百二十五

附破傷風

經云肝脉搏堅而長色不青當病墜若搏因血在脇下令人嘔逆

金匱云寸口脉浮微而瀉當亡血若汗出者當身有瘡被刀斧所傷亡血故也

脉經云金瘡出血太多脉虛細者生數實大者死 金瘡出血脉沉小者生浮

大者死斫刺出血不止者脉來大者七日死滑細者生

從高顛仆內有瘀血腹脹脉堅強者生小弱者死